

史略新編

閔獻敬署

史略新編

版 權 所 有

編 著 者 傅 佐 衡

校 正 者 李 味 青

印 刷 者 美 華 書 館

牯嶺路八十號

史略新編序

古今來絕大著作，舍經史其奚歸？然經爲聖人之言，自馬鄭孔朱以迄清代諸漢學大家，詳闡訓詁，後人幾莫贊一辭。若論史學，充棟汗牛，浩如煙海，昔人謂一部廿四史，何從說起，直其然乎？自非具才學識三長，其何以執簡馭繁，提綱絜領，甚矣史學之難言也。蓋廿四史爲紀傳體，資治通鑑及通綱鑑目爲編年體，九通爲紀事本末體，各有所長，交相爲用，然皆成學之士所潛心探討，決非可以童而習之者。於是今世學校歷史課本，撮其大要，於民族外交學術交通等，罔不三致意焉。是誠合於當世之務，然於歷朝之廢興沿革，恆多闕漏，是以今之學子，卽以東西洋史，則如數家珍，詢以五千年之國史，則數典忘祖，是亦不無闕憾也。傳君佐衡有鑒於此，本其三十年之心願，旁求物色，蒐集遺書，於是發篋下帷，殫精竭慮，乃能輯成是編，以帝王爲主，從龍門例也，以年月爲綱，從涑水紫陽例也，其下則以事爲之緯，則又九通例也，然則是編之作，不啻合紀傳體編年體紀事本末體於一書，且嚴於正閏，間以評語，尤得春秋褒貶之意，學者能近取譬，卽此可爲階

梯行遠自邇，登高自卑。他日深造，始基於此。傳君此舉，其有功於初學歷史者，夫豈淺鮮？傳君雖謙遜，自居於述，然駸駸乎登作者之堂矣。昔清康熙間，吳興鄭元慶有廿一史約編之作，於帝王各作評論百數十字，下則以事緯之，讀者樂其簡便。惟漢以前敘次散漫，且以明末爲限，非若傳君是編，自皇古至清末，體例一致，綱舉目張，而於清光宣兩朝紀載尤詳。於外交鑄錯，民族之勃興，足令閱者投袂而起。較之鄭君約編，非尤爲精且密哉？抑予更有言者。傳君尊人築初先生，有古文新編十卷之輯，刊行於世。先大人爲之序，又爲先生作家傳，稱其勤敏好學，餉遺來學之心，曷有極哉？又謂天道報施，不於其躬，必於其子孫。更謂傳君恪守家法，好文修行，猶憶傳君丐文之時，年逾而立，予年逾冠，冊載前塵，恍如昨日。今皆垂垂老矣，惟念傳君隱於市，而能有此著作，餉遺來學，足以壽世而顯親矣。予則好爲人師，依然故我。悲先人之手澤，慙世守之楹書，能不對是編而有動於中乎？

中華民國三十年辛巳元旦上海李味青右之序

自序

舊時課業，大抵偏重讀經，兼尙背誦，尠有旁及於史者。蓋史書浩如烟海，省記殊屬不易，卽好學之士，有志瀏覽，以輔翼經傳，亦苦無提綱挈領簡要適當之書，輒望洋興歎而止。若涑水之通鑑，紫陽之綱目，以及續通鑑，續綱目等，時經事緯，洵精要之傑構，然卷帙繁重，且未銜接清代之紀載，總嫌闕憾，欲求一完善輕便，俾隨時隨處，便於發策檢閱，幾不可得。積於心三十年矣，偶經書肆，徧求不得，曾見三字經註釋歷代統系最詳，惜無其他紀載，究嫌簡略。紀元編祇綴正統三才略，中史略一篇，僅具梗概，俱未盡善。丁丑變後，蟄居孤島，百無聊賴，復從書肆求之，購得小學歷史課本，閱之亦闕而不全。比得長沙黃花耘歷代統系錄，暨岫嶺曠魯之史鑑撮要兩書，一則統系詳明，一則紀載精切，各有所長，乃衷合而略加增損，並以清史補之，名曰史略新編，都凡四卷。於是曩所企求而未獲者，今乃具於

案頭、易於閱覽、抑亦可謂從心所欲矣、編竣、友好僉請刊印、公諸同好、乃付諸手民、足爲由博及約、執簡馭繁之一助、若夫教師授業、學生自修、均可省檢查之繁、補記憶之用、大雅君子、如不嗤爲譏陋、尙冀校正其錯誤脫漏、是所厚幸、

中華民國二十九年三月

南匯傅恭弼佐衡識

史略新編凡例

一、歷代正統之君頂格閏位及偏安者低一格列國低二格竊據篡逆者低三格上古至周詳附列國秦漢以下詳附竊據自漢至明藩封世襲不類古時封建諸侯今皆不錄其竊據而未僭立年號者亦置之

一、歷代帝王書其姓名世系初封爵位及元年支干在位若干年卒年若干歲改元若干次或非本支代立者書其繼篡之由間及其朝政得失之最著者惟不備載

一、本編紀載國都之建徙諸國之始末歷代帝王之與清朝祭陵典禮與祀京師帝王廟者及陵寢在某州縣祀帝王廟等以便查檢

一、元魏之先爲鮮卑初號代遼之初爲契丹金之初爲女真元之初爲蒙古今皆仍其本號彙錄於前惟追封尊號仍以魏遼金元字冠之遼之建國本在宋前因正統在宋故錄於宋後

一、清之初爲滿洲國號後金又改曰清以滿洲太祖太宗錄於前至世祖元年入燕京卽帝位仍國號清至宣統退位爲止

史略新編目錄

卷一 統系圖 歷代歌 三皇 五帝 夏 商 周列國分附各朝 秦

漢 東漢 後漢三國魏吳

卷二 晉 東晉前趙前燕北涼南涼後趙前涼南燕西涼後秦北燕西秦 宋

齊 梁後梁 陳以上南朝 魏東魏北齊西魏北周以上北朝 隋 唐周五代

後梁吳越南平南漢蜀閩 後唐後蜀 後晉南唐 後漢北漢 後周

卷三 宋 南宋西夏契丹 遼西遼 金蒙古 元 明

卷四 滿洲 清 外交摘錄

歷代統系圖

盤古—天皇—地皇—人皇—伏羲—神農—黃帝—少昊

顓頊—帝嚳—唐堯—虞舜—夏—商—周—秦—漢—東漢

羿—浞—東周—七雄

西楚—新莽

後漢—晉—東晉—宋—齊—梁—陳—隋—唐—梁

三國—魏

吳

十七國

魏—東魏—北齊

後梁

西魏—北周

周武氏—十國

遼—西遼—金

西夏

唐—晉—漢—周—宋—南宋—元—明—清—民國

綱鑑編年之朝用粗線其分注用細線別之

黃帝六十一年至民國十二年共七十六甲子計四千五百六十年

歷代歌

盤古洪荒出馭世、天皇地皇人皇氏、伏羲神農暨軒轅、唐堯虞舜爲五帝、夏商西周與東周、嬴秦西漢東漢繼、三國後漢並魏吳、西晉東晉五胡起、南朝宋齊與梁陳、北朝元魏齊周嗣、周滅北齊後禪隋、隋又平陳統一致、曾幾何時卽禪唐、梁唐晉漢周五季、北宋外侮遼夏金、南宋終爲蒙古替、降及元明有清逝、中華民國萬萬禩、

史略新編卷一

南匯傅恭弼 佐衡編輯

上海李味青 右之校正

三皇

三皇之稱。昉於周禮。而莫指其名。至秦博士。始有天皇。地皇。人皇之議。史記。闕三皇。以皇帝。顓頊。帝嚳。堯舜爲五帝。漢孔安國序書。以伏羲。神農。黃

帝。爲三皇。宋鄭樵宗其說。以伏羲爲天皇。神農爲人皇。黃帝爲地皇。唐司馬貞補史記。又以伏羲。女媧。神農爲三皇。皆未知所據。至胡五峯。據易繫辭。以伏羲神農。

黃帝。堯舜。爲五帝。儒者多宗之。今依秦博士議。及胡氏說。以天皇。地皇。人皇爲三皇。伏羲。神農。黃帝。堯舜。爲五帝。

盤古氏

盤古猶言盤固。相傳爲首出御世之君。生於大荒。天地初開。茹毛飲血。穴居野處。莫知其始。又曰渾敦氏。

天皇氏

取天開於子之義。一姓十三人。以木德王。兄弟各一萬八千歲。始制干支。天干十

甲曰闕逢。乙曰旃蒙。丙曰柔兆。丁曰彌固。戊曰著雍。己曰屠維。庚曰上章。辛曰重光。壬曰玄默。癸曰昭陽。地支十二。子曰困敦。丑曰赤奮若。寅曰攝提格。卯

曰單闕。辰曰執徐。巳曰大荒落。午曰敦牂。未曰協洽。申曰沼灘。酉曰作噩。戌曰閼

地皇氏

取地關於丑之義。一姓十一人。以火德王。兄弟各一萬八千歲。始定三辰。日月星也。分晝夜。辨四時。弦望晦朔。由之以定。

人皇氏

取人生於寅之義。一姓九人。各居一方。始立九州。君臣以定。政教以興。飲食男女以肇。又曰。居方氏。又曰。九皇氏。合四萬五千六百歲。又曰九頭紀。凡一百

五十世。元命苞曰。自天地開闢。至春秋獲麟之歲。凡三百二十六萬七千年。

五龍紀

兄弟五人。繼人皇氏以治。

皇伯 皇仲 皇叔 皇季 皇少

攝提紀

五十九姓。繼五龍氏以治。

連通紀

六姓。繼合雉氏以治。

循蜚紀

凡二十氏。

合雉紀

三姓。繼攝提氏以治。

敘命紀

四姓。繼連通氏以治。

鉅靈氏

句疆氏

譙明氏

涿光氏

鈎陣氏

黃神氏

狔神氏

犂靈氏

大騊氏

鬼臚氏

弇茲氏

泰逢氏

冉相氏 蓋盈氏 大敦氏 靈陽氏 巫常氏 泰壹氏

空桑氏 神民氏 猗帝氏 次民氏

因提紀 凡十三氏。共八十五世。

辰放氏

傳四世。

蜀山氏

傳六世。

脛傀氏

傳六世。

渾沌氏

傳七世。

東戶氏

傳十七世。

皇覃氏

傳十世。

啟統氏

傳三世。

吉夷氏

傳四世。

儿蓮氏

傳一世。

稀韋氏

傳四世。

有巢氏

有巢。教民巢居之帝也。其時穴居野處。故教民構木爲巢。未有稼穡。食草木之實。火化未興。茹禽獸之血毛。棺槨之制未定。厚衣之薪而瘞之。傳七世。

燧人氏

教民火食之帝。鑽木取火。烹飪始興。民人得遂其生。號曰燧人。又曰燧人。傳八世。

庸成氏

傳八世。

禪通紀

自軒轅至炎帝。凡二十氏。

軒轅氏

傳二世。

祝融氏

又曰。祝誦氏。號赤帝。葬於衡山。峯名祝融。以此。傳二世。

五帝

五帝之稱。亦昉周禮。易曰庖犧。神農。黃帝。堯舜。大戴禮。以太昊。炎帝。黃帝。少昊。顓頊。爲五帝。史記。以黃帝。顓頊。帝嚳。堯舜。爲五帝。孔安國。

書序。以少昊。顓頊。帝嚳。堯舜。爲五帝。合之得八帝。今總以五帝賅之。

太昊伏羲氏

姓風。母居華胥之渚。履巨人跡。孕而生帝於成紀。以木德王。有聖德。象日月之明。故曰太昊。亦作太皞。又曰伏羲。亦作宓戲。養六畜。以充犧牲。

故又曰庖犧氏。都於陳。在位一百十五年。陵在淮寧縣。祀帝王廟。

案會典載。清遇大慶。分遣儒臣。齋祭文香帛。致告於歷代帝王陵寢。自伏羲至明世宗。凡三十九陵。乾隆四十一年。罷明世宗之祭。共三十八陵。又明初。立歷代帝王廟於京師。歲春秋仲月。遣大臣致祭。自伏羲至元世祖。凡十六帝。嘉靖中。罷元世祖。清因之。建廟於都城之西。殿曰景德崇聖。凡七室。康熙六十一年。增祀夏后啟。至明莊烈。凡一百五十帝。而元世祖復與焉。乾隆四十九年。增祀晉元帝。至金哀宗。凡二十五帝。而罷漢桓靈二帝之祀。合前所已祀者。共一百八十八帝。今亦分注各帝之下。或總注於創業各主之下。以昭先代之至意。而各朝王德之隆替。亦可因此互見云。

女媧氏

亦曰女皇氏。女媧卽女皇也。與太昊同母。以木德王。職婚姻。號神媒。以荊梭及竹爲笄以實髮。女制始詳。時共工傲亂天常。女媧滅之。以復五常。年百三

十歲。陵在趙城縣。一孔穎達云。若果太昊女弟。誰是其夫耶。疑並非女子。而史傳以爲女主之始。殊難徵信。一

史皇氏

倉帝名頡。生而能書。臨于洛水。靈龜負書。遂覩文字。字成。天爲雨粟。鬼爲夜哭。傳一世。有謂在太昊前。

共工氏

名康回。共工亂天常。女嫫毼之。共工有子不才。以冬至日死。常爲厲。而長赤豆。後人作赤豆粥。以禳之。

柏皇氏

傳二十世。

中央氏

傳四世。

大庭氏

爲居龍。傳五世。

栗陸氏

爲水龍。傳五世。

驩連氏

傳十一世。

渾沌氏

爲降龍。傳七世。

赫胥氏

傳一世。

尊盧氏

傳五世。

昊英氏

爲潛龍。傳九世。

有

巢氏

傳七世。

朱襄氏

爲飛龍。傳三世。

葛天氏

一曰曷天權天也。擬璇穹。作權象。故以曷天爲號。傳四世。

陰康氏

爲土龍。傳三世。

無懷氏

無懷氏之御宇也。形有動作。心無好惡。其民老死。不相往來。于是升中泰山。渤石。以崇天禪。傳六世。

炎帝神農氏

少典氏之長子。名石年。育於姜水。故姓姜。以火德王。故曰炎帝。起於烈山。故曰烈山氏。又曰連山氏。初國伊瀍閩者。又曰伊耆氏。教民耕稼。制

耒耜。鑄鐸。嘗草木之滋。制醫藥。立廩于國。日中爲市。是時諸侯風沙氏叛。炎海爲

鹽。不用帝命。帝益修德。其民來歸。于是南至交趾。北至幽都。東至暘谷。西至三危。莫不嚮化。故號神農氏。都於陳。遷曲阜。在位百四十年。陵在鄆縣。祀帝王廟。

帝臨魁

炎帝子。在位八十年。

帝承

臨魁子。在位六十年。

帝明

承子。在位四十九年。

帝宜

明子。在位四十五年。

帝來

宜子。在位四十五年。

帝襄

來子。在位四十三年。

帝榆罔

一曰參廬。帝裏生節莖。節莖生充。及戲。皆不在位。充子榆罔立。五十五年。蚩尤作亂。黃帝平之。諸侯立爲天子。降封帝於潞。

列國

少典氏

炎黃。皆少典子。堯時大業。娶少典氏女。生柏翳。索隱謂少典是國名。

有蟻氏

少典娶有蟻氏女。曰安登。生神農。

莽氏

女爲神農妃曰聽諒。生臨魁。

沙風氏

神農時叛。以德化之來朝。以甘氏所并。夏時爲有扈。

戲

露

怡

自甘以下。皆姜姓。炎帝後

爲諸侯者。見三皇本紀。不知分封所自。附錄於此。

疏仡紀

其世。自黃帝迄周末。

黃帝有熊氏

神農母弟之後。姓公孫。名軒轅。有熊國君之子。故號有熊氏。又號帝鴻氏。長於姬水。故又姓姬。以土德王。帝母見電光繞斗而娠。生帝於軒轅之邱。

·因名軒轅。時榆罔不法。蚩尤作亂。帝攻榆罔于阪泉。殺蚩尤於涿鹿。以雲紀官。任用六相。風侯安內。方牧攘外。開明堂。祀上帝。迎日。推策造曆明時。積餘分而置閏。定歲。配甲子爲帝部紀元。容成作蓋天。即渾天儀。大撓作甲子。隸首作算數。九章算法之類。伶倫律呂。大容作大樂。晝野分州。立步制畝。作弧矢。造舟車。范金爲貨。一范以模鑄金。制刀立幣。名錢爲刀。以其利于民也。幣以珠玉爲上幣。黃金爲中幣。刀布爲下幣。教民蠶桑。制作大備。天下文明。咨岐伯俞跗。作內經。究息

帝休

嬉姓。黃帝崩。諸侯尊休爲帝。

列國

西陵氏

女螺祖。亦作嫫祖。爲黃帝妃。

方雷氏

女女節。爲黃帝次妃。

彤魚氏

女爲黃帝次妃。

緡雲氏

帝鴻

氏之子。生饕餮。是爲三苗。賈逵曰。姜姓。炎帝苗裔。

土敬氏

其女炎融。緡雲娶之。

葷粥

史記。黃帝北逐葷粥。注唐虞以上曰葷粥。一曰山

戎。夏曰淳維。殷曰鬼方。周曰玁狁。漢曰匈奴。

九黎

號蚩尤。兄弟八十一人。獸身人語。銅鐵額。食沙造五兵作亂。黃帝戰涿鹿斬之。

貫胸氏

長股氏

皆黃帝。五十九年來賓。

少昊金天氏

姓己。名摯。黃帝之子元囂也。以金德王。號金天氏。母螺祖。感大星如虹。下臨華渚而生帝。降居江水。邑於窮桑。故號窮桑氏。國於青陽。又號青